



Universitätsbibliothek Paderborn

Metropolis Salisvrgensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Priuilegium Domini Friderici Imperatoris super amotione aduocati.

urn:nbn:de:hbz:466:1-13578

bi constitutas suspensionis, excommunicationis vel interdicti sententiam promulgauerint, siue etiam in mercenarios vestros, pro eo quod decimas non soluitis, siue aliqua occasione eorum, quæ ab ipsa Apostolica benignitate vobis indulta sunt, seu benefactores vestros, pro eo quod aliqua vobis beneficia vel obsequia ex caritate praestiterint, vel ad laborandum adiuerint in illis diebus, quibus vos laboratis, & alij feriantur, eandem sententiam protulerint, ipsam, tanquam contra sedis apostolicae indulta prolatam, duximus irritandam. Nec literæ villam firmitatem habeant, quas tacito nomine Cisteriensis ordinis, & contrâ tenorem apostolicorum priuilegiorum constituerit impetrari. Præterea cum commune interdictum terræ fuerit, liceat vobis nihilominus in vestro monasterio exclusis excommunicatis & interdictis diuina celebrare. Paci quoque & tranquillitatì vestræ paterna in posterum sollicitudine prouidere volentes auctoritate apostolica prohibemus, ut infra clausuram locorum seu Granigiarum vestrarum nullus rapinam seu furtum facere, ignem apponere, sanguinem fundere, hominem temere capere, vel interficere, seu violentiam audeat exercere. Præterea omnes libertates & immunitates à prædecessoribus nostris Romanis Pontificibus ordini vestro concessas, nec non & libertates, & exemptiones secularium exactiōnum, à Regibus & Principibus vel aliis fidelibus rationabiliter vobis indultas auctoritate apostolica confirmamus, & præsentis scripti Priuilegio communimus. Decernimus ergo ut nulli omnino hominum liceat præfatum monasterium temere perturbare, aut eius possessiones auferre, vel ablatas retinere, minuere, seu quibuslibet vexationibus fatigare, sed omnia integra conseruentur, eorum pro quorum gubernatione ac sustentatione concepta sunt, vsibus omnimodis profutura. Salua sedis Apostolicae auctoritate. Si qua igitur in futurum Ecclesiastica secularisue persona hanc nostræ constitutionis paginam sciens contra eam temere venire temptauerit, secundo tertio commonita, nisi reatum suum congrua satisfactione correxerit, potestatis honorisque sui dignitate careat, reamque se diuino iudicio existere de perpetrata iniustitate cognoscat, & à sanctissimo corpore & sanguine Dei & Domini redemptoris nostri Iesu Christi aliena fiat, atque in extremo examine districte subiaceat yltioni. Cunctis autem eidem loco sua jura seruantibus fiat pax Domini nostri Iesu Christi, quatenus & hic fructum bonæ actionis percipiatur, & apud districtum judicem præmia æternæ pacis inueniantur. Amen. Datum Rome apud Sanctum Petrum, permanum Raynaldi Domini Innocentij Papæ III. Acolyti & Capellani X. Kalend. Aprilis, Indictione II. Incarnationis Dominicæ anno M.CC. XIII. Pontificatus vero eiusdem Domini Innocentij anno septimo decimo.

Priuilegium Domini Friderici Imperatoris super
amotione aduocati.

FRIDERICVS diuina fauente clementia Romanorum, Imperator Augustus, in perpetuum. Quia nihil nebis adeò familiare est, sicut humanitas, eam ad omnes quidem, maximè tamen ob fauorem religionis, ad personas extendimus Ecclesiasticas. Inde est quod nos Venerabili Fr. Eberhardo Abbatii in Alderspach per sequentem Ecclesie sue iniurias, justitiae sue præbuimus audientiam. Conquestus

Conquestus siquidem est in auribus nostris, quod *Alramus de Kambe* injustè sum grauaret Ecclesiam, vendicans sibi quæ nullo ei jure competebat eiusdem Cœnobij aduocatiam. Cumque nos eudem *Alramum Nirnberg* conueniremus actione iniuriarum sub frequentia Princepum in Consistoria dixit, se eandem aduocatiam nomine beneficij tenere à dilecto consanguineo nostro *Ottone Babenbergensis* Episcopo. Porro requisitus super hoc verbo prædictus Episcopus, assuruit, & legitimis testibus probauit in præsentia nostra, quod aduocatiam hanc feodali jure ab *Alramo* euicisset, quoniam certum fuit eum perperam usurpasse. Cum itaque præfatum Monasterium ab eiusdem *Alrami* injuria vндicatione sit exemptum, petitione clerici consanguinei nostri præfati *Babenbergensis* Episcopi, constituimus ut si placuerit Abbatii *Alderspacensis* defensorem rerum suarum eligere, in perpetuum in optione eius sit cum consilio Episcopi *Babenbergensis* idoneam sibi ad hoc onus inuenire personam, quæ si forte grauis ei fuerit & molesta, libera sit Abbatii facultas alium eligendi, adhibito consilio Episcopi. Ut autem hæc rata & inconvulsa permaneant, & perpetua firmitatis vigorem obtineant, præsentem paginam sigilli nostri impressione, & idoneorum testium subscriptione roborauiimus. Testes sunt *Rugericus Kameracensis* Episcopus, *Dieboldus Patauensis* Episcopus, *Leupoldus Dux Austriae*, *Berchtoldus Marchio Hystriae*, *Berchtoldus Dux de Meran*. Comes *Berchtoldus* & frater eius *Vlricus de Berge*, *Comes Albertus de Eberstein*, *Comes Theodericus de Wasserburg*, *Conradus Præfectus de Nirnberg*. *Comes Heinricus de Altendorf*, *Fridericus de Truhedingen*, *Reinhardus & Eberhardus de Reiphenberg*, *Conradus Pincerna de Cipse*, *Conradus Dapifer de Rotenberg*, *Herdegno de Grindale & alij quamplures*. Datum apud *Nirnberg* Anno Domini M. C. LXXXIII. Indictione I. III. Idus Martij.

Priuilegium Dn. Philippi Romanorum Regis super
Aduocatia.

Philippus secundus Dei gratia Romanorum Rex semper Augustus, omnibus Imperij fidelibus tam præsentibus quam futuris duximus innotescendum, quod constituti in præsentia nostra Abbas de *Aldersbach* & confratres sui, dictante sententia obtinuit, quod juxta venerandam Ordinis *Cisterciensis* consuetudinem licitum sit ipsis super omnia bona monasterij sui quemcunque voluerint eligere defensorem, & eundem etiam procedente tempore, si forte idoneus & ipsis utilis non sit, ab ipsa aduocatia remouere. Porro sententiam eandem diuinæ remunerationis intuitu auctoritate regia confirmantes statuimus, & sub pena gratiæ nostræ districtè præcipimus, ut nullus hominum eam infringere audeat, vel occasione aliqua potestatem ullam super prædictorum fratrum possessiones, præter voluntatem eorum sibi vendicare: quod qui facere attempauerit, iram omnipotentis Dei, & nostræ magnitudinis offensam se nouerit incurrisse. Datum apud *Babenberg*, II. Kalend. Martij. Indictione VI.